


# KA KAMRAM KI PEIC, VEC, AEC BAD KI NONGKITKAM JONG KI



BA LA PYNMIH  
DA KA  
STATE INSTITUTE OF RURAL DEVELOPMENT  
MEGHALAYA

## **Ka kamram ki PEIC, VEC, AEC bad ki nongkitkam jong ki**

Ha baroh kawei ka Ri India lait noh ki jylla Meghalaya, Mizoram bad Nagaland la pyntrei ia ka MGNREGA/MGNREGS lyngba ki Panchayat. Namar ba ha ka jylla Meghalaya ym don Panchayat ka Sorkar Jylla ka la hap ban pyntreikam ia kane ka skhim, hadien ba la ioh ka jingmynjur na ka Sorkar Pdeng, lyngba ki Employment Council kiba kynthup ia ka District Employment Council (DEC), ka Block Employment Council (BEC), ki Area Employment Council (AEC) bad Village Employment Council (VEC). Katkum ki kyndon bad riti treikam ka MGNREGS Meghalaya ia ka AEC la pyn ia ryngkat bor bad ka Gram Panchayat bad ia ka VEC la pyn ia ryngkat bor bad ka Gram Sabha bad la pynkup bor ruh ia ki ban pyniaid ia ki kam MGNREGS hapoh ki shnong ki thaw. Ha u snem 2006 haduh u snem 2010 la aibor ba ka AEC ban pyniaid la kumno kumno 50% na ki jingtrei bad ki kam ba la jied bad mynjur da ka VEC. Hynrei ha u snem 2010 hadien ba la iatai sani bha halor ka kamram jong ki AEC bad VEC bad khnang ban kham pyniaid beit pyniaid ryntih ia ka jingpyntrei ia ka MGNREGS ka Sorkar Jylla kala pynkylla ia ka bor jong ka AEC. Ha kane ka jingpynkylla (amendment) kaba la mih lyngba ka notification NREGS Cell.19/2010/66 ba 23 tarik u March 2010 la kdew ba man kawei pa kawei ka VEC kan don noh da ka Programme Executive and Implementing Committee (PEIC) ha kaba yn don 5 ngut ki dkhot ki tip bha shaphang ka MGNREGS. Ia u Chairman Secretary bad iwei dkhot kynthei yn da jied ha ka dorbar jong ka VEC ha kaba yn don ryngkat u Programme Officer lane uno uno u ban miikhmat na ka bynta jong u. Kane ka PEIC kan shimti noh ia ka kamram jong ka AEC ban pyntrei bad ban pyniaid ia ki kam ba la jied bad la mynjur da ka VEC. Iaka AEC pat la aiti ia ka ban leh ia ka Social Audit bad ban long kum ka Local Vigilance bad Monitoring Committee lyngba kane ka notification. Ka Vigilance bad Monitoring Committee kan don la kumno kumno 6 ngut ki dkhot ha kaba la kumno kumno yn don 2 ki kynthei bad shiteng na ki dkhot baroh kin long napdeng ki ba don job card bad kiba la trei ha ki skhim.

### **Ka VEC bad ki kamram jong ka**

- (i) Ka VEC ka dei ka Council ba la thung ha ki shnong. Bad kaba ia ryngkat bor bad ka Gram Sabha.
- (ii) Man la ki shnong ki dei ban don la ka jong ka VEC
- (iii) U Kpa bad ka Kmie jong kawei pa kawei ka longing ha ka shnong kin long ki dkhot jong ka VEC. Ha kaba iadei bad ki longing shimet u ne ka dkhot jong kata ka longing kan long u ne ka dkhot jong ka VEC.

- (iv) Ka VEC kan ioh iaka jingithuh hadien ba la mynjur da u District Programme Coordinator (DPC) lane da u PO/BDO.
- (v) Hapoh ka VEC yn don ka Programme Executing and Implementing Committee (PEIC) ha kaba yn jied ia 5 (san) ngut ki nongkitkam napdeng ki member jongka VEC. Ha ka PEIC yn don u Chairman, Secretary bad lai ngut de ki dkhot ki ban kynthup ia 2 (ar) ngut ki kynthei.
- (vi) Lai ngut napdeng ki nongkitkam jong ka PEIC kiba kynthup ia u Chairman, Secretary bad iwei i kynthei yn jied da ka General Body Meeting jong ka VEC bad kine kin mihkhmat na ka bynta ka VEC ha ka AEC. Ia kine ki nongmih khmat dei ban jied (elect) ha kaba yn don ym duna ia ka 70% ki dkhot ka VEC bad ha ka jing ia don ryngkat jong un PO ne uno uno uba mihkhmat na ka bynta jong u.
- (vii) Ia ki meeting jong ka VEC yn pyniaid da u Chairman. Ia u Secretary jongka VEC yn jied da ki member jong ka VEC napdeng ki para member hi.
- (viii) Ka VEC ha ka Dorbar (general meeting) jong ka ha ka ba yn don ym duna ia ka 70% jong ki dkhot jong ka kan jied, mynjur bad pynskhem ia ki jait kam ban trei da ki nongwad kam hapoh ka shnong. Ki kam ba la jied ban pyntrei ki dei ban iahap katkum ki jait kam ba la bthah hapoh ka Schedule I jong ka Aiñ.
- (ix) Kan pynskhem ia ki dkhot ka Purchase Committee ba la tyrwa (propose) da ka PEIC. Kane ka Purchase Committee kan don de ki dkhot na ka liang ka Block bad kan trei kam na ka bynta ban thied ia ki mar ki mata (material) ba pyndonkam ha ki jingtrei.
- (x) Ka VEC kan khmih peit pyrman ia ki rukom pyniaid kam bad ia ki jinglut jingsep na ka bynta ki jingtrei MGNREGS baroh.
- (xi) Ka VEC kan jurip bad kan thew kan woh ia ka jingtrei kam jong ka skhim bad ki jingtrei baroh.
- (xii) Kan peit pyrman ruh ba ia ki kyndon jong ka aiñ bad ka skhim ym bit ban pynbakla
- (xiii) Ka VEC kan mynjur ruh ia ki dkhot ka Social Audit Committee ba la thaw da ka AEC bad kan peit ruh ba dei ban don ki dkhot napdeng ki ba don job card kiba la trei hapoh ka kam MGNREGS. Kan pynthikna ruh ba iaka Social Audit yn leh katkum ka por ba la buh.



## Ka PEIC bad ki kamram jong ka

- (i) Ka PEIC kan don san ngut ki dkhot ban kynthup ia u Chairman, u Secretary bad iwei de i dkhot kynthei ba la jied (elect) da ka VEC bad arngut de kiba la kham tip bha shaphang ka MGNREGS.
- (ii) Ka PEIC kan register ia ki longing kiba kwah ban trei hapoh ka MGNREGS.
- (iii) Ka PEIC kan sam ia ki Job Card.
- (iv) Ka PEIC kan pdiang ia ki dorkhast dawa kam.
- (v) Kan ai kam hapoh 15 sngi ia ki nongdawa kam.
- (vi) Ka da ai rosit kaba da don tarik ia ki nongthep dorkhast ban thep kyrteng bad ia kiba dawa kam.
- (vii) Kan pynthikna ba ki nongtrei bylla kin ioh ia ka bainong sngi hapoh ka por kaba biang.
- (viii) Kan kit khia ban pynkhreh ia ki Plan bad Estimate na ka bynta ki kam ba la jied da ka VEC.
- (ix) Kan pyniaid ia ki kam ba la pyntrei hapoh ka shnong lyngba ka MGNREGS.
- (x) Kan jied ia ki Mates bad shuwa ban thung ia ki kan hap ban ioh ka jingmynjur na ka VEC.
- (xi) Kan buh ia ki kot ki sla bad ki jingkhieñ jingdiah.
- (xii) Kan pyniaid ia ka Bank Account jong ka VEC ha ka ba yn don arngut ki nongsoi kyrteng kiba kynthup ia u Chairman lane Secretary bad iwei i dkhot kynthei jong ka.
- (xiii) Kan khot ia ka dorbar ka VEC na ka bynta ban jied ia ki kam, ban ai jingkhieñ jingdiah bad ban pynlong ia ka Social Audit.
- (xiv) Kan peit pyrman (monitor) ia ki kam ba pyntrei hapoh ka MGNREGS.
- (xv) Kan pynbna ia ka Employment Guarantee Day kaba dei ka sngi ha kaba baroh ki dkhot jong ka kin don ha ka jaka trei kam (ophis) jong ka na ka bynta ba u paidbah un lah ban wan thep kyrteng lane dawa kam, tohkit bad kylli bniah shaphang ka rukom pyntrei ia ka MGNREGS hapoh ka shnong bad ban peit ia ki jingkhieñ jingdiah.

- (xvi) Kan pyllait paidbah ia ki kot ki sla, ki jingkhieñ jingdiah, ki rai ka VEC bad kiwei kiwei de ki jingpyntip ba donkam ba iadei bad ka jingpytrei kam ia ka MGNREGS.
- (xvii) Kan pynthikna ban don ka Information Wall ha ka jaka ba long pdeng jong ka Shnong khnang ba u paidbah kin lah ban iohi bad pule shaphang ka jingpyntrei ia ka MGNREGA ha ka shnong.

### **Ka AEC bad ki kamram jong ka**

- (i) Ia ka AEC la pynlong da ka jingkynthup lang ia ki VEC jong ki shnong ba marjan ba don hapoh ka jingjngai 2.5 km kawei na kawei.
- (ii) Ki member jong ka AEC ki kynthup ia ki lai ngut ki member ba la jied na kawei pa kawei ka VEC kiba hap hapoh ka AEC.
- (iii) Ka jingdon jongki member jong ka AEC kim dei ban palat ia ka 20 (arphew) ngut. Na kine 30% ki dkhot ki dei ban long ki kynthei.
- (iv) Ka AEC kan kynthup ia u/ka Chairman, u/ka Secretary bad ki member ia kiba la jied (elect) napdeng ki member ryngkat ka jing donlang jong u PO lane u nongmikhkhat jong u.
- (v) Ka AEC kan treikam kum ka Local Vigilance and Monitoring Committee bad hapoh kane ka committee yn kynthup ruh ia ki nongbat job card bala trei hapoh ka MGNREGS.
- (vi) Ka AEC kan thaw ia ka Social Audit Committee ha ryngkat ka jingmynjur lang jong ka VEC.
- (vii) Ka AEC kan pyniaid ia ka Social Audit ryngkat ka Social Audit Committee bad ha ka jing iadon lang ki NGO (Seng Bhalang) ba la jied da ka District.
- (viii) Ka AEC kan pynthikna ba ia ka Social Audit yn pynlong ha ka por ba la buh bad ban pynbna paidbah ruh ia ka Social Audit Forum ne ka Public Hearing.

### **Ki kamram U Chairman jong ka PEIC**

- (i) U Chairman ka PEIC un pyniaid ia ka dorbar jong ka VEC bad ki jingialang jong ka PEIC.
- (ii) U Chairman un pynskhem ia ki rai ka VEC hynrei un ym don ka bor ban shim hi dalade ia kano kano ka rai lane ban pynkylla ia kano kano ka rai khlem ka jingmynjur jong ba VEC.

- (iii) U Chairman un kitkhia bad pynthikna ba baroh ki dkhot jong ka VEC kin wan sha ka jingialang bala pynbeit.
- (iv) Haba donkam ban khot ia ka jingialang kyrkieh ka VEC ha ka por ba u Secretary um don ha shnong, u Chairman un khot ia kane ka jingialang. Ia ki rai jong kane ka jingialang yn thoh da iwei na ki dkhot ka PEIC ba la mynjur da ka VEC.
- (v) U Chairman un long uwei na ki nongsoi kyrteng na ka bynta ban pyniaid ia ka Bank Account jong ka VEC ha ka por ba u Secretary um don ha la shnong.
- (vi) Lada u Chairman um don ha la shnong bad ka VEC ka donkam ban iakynduh kyrkieh ka VEC kan jied napdeng ki dkhot ia ki nongpyniaid ia kata ka jingialang.

### **Ki kamram U Secretary jong ka PEIC**

- (i) U Secretary jong ka PEIC un khot ia ki jingialang ka VEC bad un pynthikna ba baroh ki dkhot kin ia shim bynta ha kine ki jingialang.
- (ii) Un khot ia ka jingialang jong ka PEIC bad ka Purchase Committee.
- (iii) Un long u nongthoh ia ki rai ha ki jingialang baroh.
- (iv) Un long uba pynbiang ia ki kot ki sla bad ki jingkhieñ jingdiah baroh.
- (v) Un pynbit pynbiang ia ki muster roll bad un rah ia ki sha Block ban verify ia ki da u PO.
- (vi) U long uwei na ki nongsoi kyrteng ha ka ban pyniaid ia ka Bank Account ryngkat iwei na ki dkhot kynthei jong ka PEIC ba la jied da ka VEC.
- (vii) U Secretary un long u u ban kitkhlieh ia ka jingpyniaid beit pyniaid ryntih ia ki kam baroh ba la pyntrei hapoh ka shnong lyngba ka MGNREGS bad kumta ha ka por ba pyntrei ia ki un da leit jngoh tista ia ki jingtrei bad un shim kyrteng ia ki nongtrei baroh.

